

VISOKA ŠKOLA „BANJA LUKA COLLEGE“
Ul. Miloša Obilića 30
78 000 Banja Luka
Broj: 03-04-11/14
Datum: 27.02.2014. godine

Na osnovu člana 64. Zakona o visokom obrazovanju Republike Srpske („Službeni glasnik Republike Srpske“, br. 73/10, 104/11, 84/12 i 108/13) i člana 61. Statuta Visoke škole „Banja Luka College“, na sjednici Senata Visoke škole „Banja Luka College“ održanoj dana 27.02.2014. godine, Senat Visoke škole „Banja Luka College“ donio je

P R A V I L N I K O E C T S B O D O V I M A

Član 1.

Ovim Pravilnikom utvrđuje se sistem dodjeljivanja ECTS bodova na Visokoj školi „Banja Luka College“ u Banjoj Luci (u daljem tekstu: BLC).

Član 2.

ECTS bodovi su brojčane vrijednosti utvrđene za predmete predviđene Studijskim programima koji se realizuju na BLCu.

ECTS bodovi predstavljaju izraz kvantitativne količine rada neophodne za uspješno savladavanje svakog predmeta pojedinačno, u odnosu na ukupni kvantitativno izraženi rad potreban da bi se savladao određeni studijski program u cijeloj akademskoj godini studija.

Član 3.

Procjena uloženog rada obuhvata mjerenja prisustva i aktivnosti na nastavi, vježbama, praktičnom radu, izradi seminarskih i drugih radova, usmenim odbranama rada, aktivnosti na nastavi, projektima, istraživanjima, anlizi studija slučaja, radionicama, simulacijama, drugim oblicima nastavnih aktivnosti, vannastavnim aktivnostima, kolokvijalnim provjerama znanja i završnim ispitima.

Ukupan broj ECTS bodova utvrđenih za jedan predmet zavisi od vrste i karaktera, složenosti i specifičnosti predmeta, stepena apstrakcije predmeta i ukupnog radnog opterećenja predviđenog studijskim programom, a neophodnog da bi se uspješno savladao taj studijski program i procijenila uspješnost studenta u savladavanju tog predmeta.

Član 4.

ECTS bodovi se iskazuju u vrijednostima cijelog broja.

Osnovu za utvrđivanje ECTS bodova predstavlja akademska godina - akademski kalendar aktivnosti.

Član 5.

Dodjeljivanje ECTS bodova jednom nastavnom predmetu vrši se na slijedeći način:

1. Dodjeljivanje ECTS bodova se vrši prema formuli:

$$X : 30 \text{ ECTS} = Y : Z$$

$$X = \frac{30 \times Y}{Z}$$

X = Broj bodova koji se dodjeljuje jednom predmetu,

30 = Ukupan broj ECTS bodova za jedan semestar,

Y = Broj radnih sati koje student provede na svim nastavnim aktivnostima, a izračunava se na slijedeći način :

Sati rada = Ukupno kontakt i radni sati sedmično x Broj nastavnih sedmica u semestru,
odnosno:

Y = (UK i Rs/s) x Ns/s, pri čemu:

UK i Rs/s predstavljaju ukupan zbir sati:

- Predavanja,
- Vježbi,
- Učenja za predavanja,
- Učenja za vježbe,
- Pripreme za Konsultacije,
- Učenje za druge vidove nastavnih aktivnosti.

Ns/s predstavlja broj nastavnih sedmica u semestru prema Akademskom kalendaru Univerziteta za akademsku godinu.

Z = Ukupan fond opterećenja studenta po semestru, a izračunava se prema formuli:

Z = Broj sedmica nastavnog procesa u semestru x 40 radnih sati, odnosno:

Z = SNP/s x 40.

Član 6.

Broj sedmica nastavnog procesa u semestru predstavlja zbir sedmica nastavnih aktivnosti, ispitnih rokova i praznika ili neradnih dana.

Taj broj je određen Akademskim kalendarom u akademskoj godini za svaki studijski program.

Student je obavezan da pristupi studiranju u punom kapacitetu od 40 sati sedmično, što odgovara obavezi po osnovu zaposlenja bilo kog zaposlenog radnika.

Član 7.

Radno opterećenje studenta mjeri se na osnovu ECTS boda, obzirom na vrijeme koje je potrebno za završavanje i savladavanje jedinice studijskog programa, odnosno ostvarivanje ishoda učenja.

Bod omogućava studentima i nastavnicima utvrđivanje obima i nivoa učenja, polazeći od postignutih ishoda učenja i procijenjenog opterećenja izraženog u satima rada.

Član 8.

Za izračunavanje vrijednosti jednog ECTS boda, potrebno je utvrditi:

- Broj radnih sedmica u akademskoj godini,
- Ukupan broj sati,
- Ukupan broj ECTS bodova u akademskoj godini.

Član 9.

Vrijednost jednog ECTS boda izračunavamo prema formuli:

$$1 \text{ ECTS} = \frac{\text{Broj sedmica x 40 radnih sati}}{60 \text{ ECTS}}$$

Broj radnih sedmica na BLC-u je četrdeset i pet (45).

$$1 \text{ ECTS} = \frac{45 \times 40}{60}$$

$$1 \text{ ECTS} = 30 \text{ sati}$$

Član 10.

Ukupno radno opterećenje studenta po predmetima izračunava se na sljedeći način:

$$\text{Ukupno radno opterećenje} = \text{Broj ECTS predmeta} \times 30 \text{ sati.}$$

Član 11.

Ukupno radno opterećenje studenta izražava se brojem sati koje student utroši za savladavanje određenog predmeta, odnosno postizanje ishoda učenja.

Ukupno radno opterećenje za jedan predmet može obuhvatati sljedeće vrste opterećenja:

1. Predavanja,
2. Vježbe,
3. Grupni rad (studije slučaja, prezentacije, diskusije, odbrane radova i stavova),
4. Samostalno učenje,
5. Izrada seminarskog rada, eseja ili domaćeg zadatka,
6. Prezentacija i odbrana rada,
7. Interaktivni rad studenata,
8. Istraživački rad, terenski rad...,
9. Priprema za kolokvije, testove i usmeni ispit,
10. Usmeni ispit.

Član 12.

Dodijeljeni i utvrđeni ECTS bodovi predstavljaju sastavni dio studijskog programa i Nastavnog plana i programa, odnosno iskazuju se u studijskom programu i Nastavnom planu i programu.

Član 13.

Ovaj Pravilnik stupa na snagu osmog dana od dana usvajanja.



 PREDSJEDNIK SENATA
Mladen Miroslavić
 doc. dr. Mladen Miroslavić